



UNIVERSITÄTS-  
BIBLIOTHEK  
PADERBORN

# **Universitätsbibliothek Paderborn**

**Symma Practica Theologiae Mysticae**

**Gelen, Victor**

**Coloniae Agrippinae, 1652**

Et Tertio. De Iis Qvae Fivnt In summo transformationis modi ascendentis.  
Paraphrasis XV.

**urn:nbn:de:hbz:466:1-9766**

## ET TERTIO

**DE IIS QVÆ FIVNT IN SVMMO  
TRANSFORMATIONIS MODI  
ASCENDENTIS.**

## PARAPHRASIS DECIMA QVINTA.

**S**píritu intelligentiæ a replebit illum Dominus, & ipse tanquam imbræ smittet eloquiasapientiæ suæ. ac si diceret, quando spíritus mystici in media regione status Transformationis modi ascendentis, spíritu intelligentiæ repletus fuerit; tum in eius summo, & supra se, in pura scilicet spíritus diuini regione, sapidissimæ affientiæ eloquias, operationes, seu verba mystica Pater cœlestium lumen immittet largifluè, & quibusdam imbribus cœlestibus totam eius capacitate irrigabit; longè eminentiori modo, & diuiniori communione, quam in præcedentibus regionibus factum sit. quod utriusque in sequentibus dicendum est, &

- I. Quod propria operatio quamdiu in summo Transformationis modi ascendentis versatur, sit suspensionis mystica transcendentia.
- II. Reali amplitudine spíritui diuino immergitur.
- III. Incessanter eleuatur mysticus, videns regionem proprij spíritus subiuse.
- IV. In summo tamdiu deliciatur, quousque subtilissimam vacuitatem incurat.
- V. Eiusmodi vacuitas de novo instantanea vivacitate doni sapientiæ adimpletur ad statum Transformationis modi descendens, in charitate magis radicandum.
- VI. De spirituali profectu, duratione, & transitu, ad statum Transformationis modi descendens.

LI

VII. In

a Eccl. 39.

VII. In vicissitudine status Transformationis, tam descendenter, quam ascendentis modi, sicut mysticus continuo magis, ac magis in charitate radicatur: ita etiam distinctiori, ac accuratiori ordine, in minutissimis etiam operationibus, se conformiter habere addiscit.

ARTICVLVS PRIMVS.

Quod propria operatio quamdiu in summo Transformationis modi ascendentis versatur, sit suspensionis mystica transcendentia.

**S**piritus a omnia scrutatur, etiam profunda Dei. ac si diceret, ô pia anima, ille qui per continuas mentis actiones, & summi Boni suauissimas contemplationes Deo adhæret, & unus cum eo spiritus efficitur, ille etiam per donum sapientiae, supereminentis charitatis Dei arcana scrutatur, intelligentiae sue puritate tanquam in absconditis Dei consiliatur, & quodammodo etiam profunda Dei apprehendens in illis suspenditur, tanquam pius, & humilis scrutator diuinæ Maiestatis suppressus à gloria. ex conditione ergo, spiritus (quem Deus non dat ad mensuram) profluit; vt dum mysticus in summo Transformationis modi ascendentis versatur; quanto amplius diuino lumine illustratur, tanto subtilius, & angelicis modis conformius, in dilectione vivat, quantoque purius diligit, tanto etiam clarioribus splendoribus irradietur; infatigabilis, immo prorsus delectabilis aetuitate consortio diuinæ naturæ sele vicinius immergeat, infe-

riorum nihil, aut modicum memor nisi ad quæ boni publici ratio, vel conditionis humanæ necessitas detraxerit; vel in quantum obumbrationes diuinæ, quæque ex abundantia superiorum virium inferioribus iucundè influerant, subinde disparuerint: licet absque molestia positivi tædij, & carentia amicitiae Dei, ac sola remissione ab intensò influxu in inferiora interueniat, & hoc ipsum quidem non ægrè ferente inferiori homine. quæ omnia magis articulatè constabunt ex sequentibus;

*Reali amplitudine spiritui Diuino immergitur.*

ARTICVLVS SECUNDVS.

**D**eus Israel b mihi locutus est fortis Israel, sicut lux auroræ oriente c sole, mane absque nubibus rutilat. ac si diceret, ô pia anima, ex eo solum quod ipsam spiritus Diuini regionem ingrederis, eius nimia pulchritudine transformata; quasi cum altissimum laudarent astra matutina, & jubilarent omnes filii Dei, exultare potes: vicinissima enim diuini numinis intimitas, lumine, & ardore solis cœlestis, te ad instar lucis auroræ quæ absque nubibus rutilat, clarificate videtur. ita ut quasi uno eodemque respiraculo vitæ fias in spiritum coniuentem supra te, in lon-

a 1.Cor.14. b 2.Reg.23. c 2.Reg.23.

gè eminentiores, & diuiniores spiritus extensiones, qnam fuerint in proprio spiritu. Vndè etiam hoc loco opus non est aliò ire ad hautiendam aquam; sed de ventre, ac intimo mentis tuae flumina fluent aquæ viue, absque nubibus, aut imaginibus, speciebus p̄eambulis, seu inferioribus varijs vmbbris, figuris, visionibus, vocibus, aut sonis vestitis: ita vt lucem quasi angelicæ cognitionis in pura intelligentia, supersplendentes diuinæ amicitia radios facillimè suscipias; & absque mora operationes conformes, & verba mystica pronuntiare, eorumque ordinatam successionem, & fruitionem, planè iucundè & purissimè continuare valeas.

Et ideo quidquid luminis, ac splendoris diuini percepereis, quantumcumque illud altum, & ad instar auroræ absque nubibus rutilans fuerit, pro p̄eambulo duntaxat accipiendum est; ita vt hæc omnia pulchra, & valde bona sint immediata dispositio, per quam ad puræ intelligentiæ supersplendentes in spiritu perceptiones exercitium actualis vñionis instituatur; dum post omnium horum desertionem, mentis actiones ad eum, qui in infinitum hæc excedit, diriguntur, amotisque digestio quædam suavis instituitur, continuatur, ac fouetur: idque indies magis ac magis, vt hic consequenter dicemus;

*Incessanter eleuator mysticus videns regionem proprij spiritus sub-  
tus se.*

## ARTICVLVS TERTIVS.

**O**MNIBUS MOBILIBUS A MOBILIOR EST SAPIENTIA. ac si diceret, ô pia anima, propter operationes quæ in vsu, & amicitia diuinæ sapientiæ in instati suauiter, faciliterque formantur, experiri potes, quomodo diuina sapientia in sui communione omnibus mobilibus mobilior sit. vtque in Nunc instanti de illa aliquid ita dicatur, vt illicò de nouo præstantius dici possit, & debeat. sicut etiā Pater cœlestis in Nunc æterno, quasi de nouo omni instanti verbum suum (quod est splendor gloriæ, & figura substantiæ eius) pronuntiat. atque hinc colligere licet in nullo summo vñquam tenaciter hærendum; sed ad omnem in Nunc instanti mutationem conformiter operandum esse. hoc enim sapientiæ gustūm quasi exprimere, & quasi digerere est, & minutis (vt ita dicam) operationibus, seu verbis mysticis in Nunc instanti conformiter moueri, si vbi impetus spiritus fuerit, depurata mens congregiatur: ne quod facillimè accidit per remissam, & tepidam à diuinis cooperationibus inhæsionem, ab actione boni quiescere, & in aliquod otium prolabi contingat. hinc etiam strenui Dei coadiutores, in ipsa spiritus diuini regione se suaque omnia charis-

L 1 2

mata,

a Sap. 7.

mata, & quidquid donorum, gustus, beneque afficiens inuenient, transcedunt; nec in ullo quiescunt quo usque amoris pondere, vehementiaque de statu explicitè operandi, semoti, ac suspensi; diuinæ inactioes optimo modo huius vitæ suscipiant. & certè tandem diuina sapientia quæ omnibus mobilibus mobilis est, præstante hoc efficitur; vt regio & operationes propriæ spiritus longè subtus stare videantur, tanquam ad præsentem, incessanter magis ascendentem eleuationem, nimis improportionata.

Quod ergo omnibus mobilibus mobilior sit sapientia, & viuax impetus spiritus trahat, quo voluerit, superplendentes diuinæ communionis radios diffundens, etiam nouo semper, ac hucusque incognito modo, non quiescere sinens; sed ad Deo viciiores amicitias propellens: totum hoc, & quidquid Deo minus senseris, vt præambulum, & dispositio erit deferendum: dein ad eum qui his longè altior est, puræ mentis intelligentia conuertenda est, ad actualem fructuonem incipiendam, continuandam, ac renouandam. quamdiu porro in hisce magis magisque eleuetur conleuenter dicemus;

*In summo tamdiu deliciatur quo usque subtilissimam vacuitatem incurrit.*

### ARTICVLVS QVARTVS.

**M**irabilis facta est scientia tua ex me, a confortata est, & non potero ad eam. ac si diceret, ô pia anima, infinitus thesaurus est in supereminenti diuinæ naturæ præstantia. vnde quanto amplius diligentess se bene afficerit, tanto maiorem illis admirationem, & profundiorem reverentiam excitat; vt dein secura humilitate illius sublimitatem penetrantes, mirabilior præstantiorque fiat, & eousque confortata, & superexaltata appareat, vt ad illam profundius perscrutandam, intelligentia lumen pro tunc non possit eleuari. hoc enim loco pia anima præ scientie diuinæ magnitudine in admirationis stuporem, & præ amoris excellentia supra amoris expressas actiones perducta, quasi absque cognitione, & amore constituitur. cum autem in summo spiritus diuini ad ultimum usque dono sapidissimæ scientie mirabilia Dei perlustrauit, tandem actitatem operationum destituta, præ nimia spiritus subtilitate, silentiosissimam vacuitatem, & simplicissimam perceptionem incurrit; in eaque commoratur: quo adusque de novo induatur ex alto; per donum sapientie, secundum statum Transformationis modi descendens, in charitate magis radicandum.

Interea vero pro actus exercitio quantumcunq; fiat sapidissima scientia Dei

a Psal. 138.

## ARTICVLVS QVINTVS.

Dei ex te, & supra te admirabilis; ita ut oppressa à gloria, maiestatem diuinam altius scrutari non valeas; licet ipsius cœli empyrei felicitatem prælibare, & quidquid demum omnem linguam, & verba præ sui excellentia excedit, possidere videaris; hoc ipsum tamen totum sit præambulū duntaxat, & propria dispositio; vt dein tam reuerentiali, quam subtili spiritus tendentia, illi te inclines, qui tam incomprehensibiliter supra te confortatus, & superexaltatus est, vt ad eum non possis accedere. ex tali namque humili inclinatione ac reuerentia (præterim quando fortissimæ illæ diuini spiritus inactiones constanter remiserint, & vacuitas quædam, seu remissio perceptionum, & operationum subsequuta fuerit) intellectus ilicò sibi proportionatum diuini Pulchri, & Boni speciem similitudinem vè elicit, admodum subtili operatione, & ad actualem fruitionem consortij diuinæ naturæ deducet incipiendam, continuandam, ac reuouandam. & hæc quidem tam diuuenire, quoadiisque pia anima insignem progressum in charitate fecerit, & nouo, intensiorique gratiæ augmento à Deo dignata fuerit, consequenter dicemus,

*Eiusmodi Vacuitas de nouo instantanea  
Viuacitate doni sapientie adimpletur ad  
statum Transformationis modi de-  
scendentis in charitate magis  
radicandum.*

a Psalm. 18.

**A** summo a cœlo egressio eius, & oc- cursus eius usq; ad summum eius. ac si diceret, ô pia anima, non sine pro- fundissima reuerentia admirare diuinæ puritatis zelum; quo ita naturæ sue con- sortia largitur, vt simul etiam quidquid in spiritu dissimilitudinis, & imperfe- ctionis est, continuò expurget: sicuti qui palmitem purgat, vt fructum plus adferat. & ideo cum dono sapientie integrum ascensum, diuersas regiones, situs mentales, per operationes, seu in- numerabilia verba mystica, profunda Dei scrutando absoluere: tandem in superficialem, & simplicissimam vacui- tam, totam interioritatem tuam red- actam inuenies. quo ita de novo dono sapientie ad delcentum fruitivum, & in charitate magis perfectiusque radican- dum à Deo digneris. hoc autem prius- quam fiat, euacuatione spirituali, & subtilitate separatis intelligentijs, seu Angelis conformi, vt dispositione præ- ambula, ac prærequisita superindui debes. & hoc sensu dicitur, à summo cœlo egressio eius. ac si diceret: cum in summo status Transformationis modi ascendentis charitatis bene-afficien- tiam finiendo digesseris, & sic te dese- rendo, quodammodo egressa fueris: tum denique noua quædam famæ, ad nouam satietatem, & susceptionem in- tensiorem doni sapientie subsequetur.

L 3 hinc

hinc etiam sicut à summo cælo egressio eius constituitur (dum modus eminentis transcendentiaz, & perfectæ negationis cessat) sic quoq; occursus eius, seu doni sapientiaz noua adimpletione occurrit in summo ipso; ita vt deinceps eius particeps sis non quærendo; sed possidendo, & sub obumbratione consortij diuinaz naturæ, & termino à Quo viuendo, in spiritu semper ali, & ad operationes fructuō amori necessariās facile, & iucundè procedere, possis.

Interea verò dum hæc fiunt, hanc à summo cælo egressionem, & in summo status tui vacuitatem non vt casu accedente, aut profectui spirituali contrariam; sed vt diuinitùs ordinatam depurationem, præambulum, & perfectam dispositionem suscipe; dein pro actus exercitio, vt potes maximè spiritualiter, & subtilissima intelligentiaz vigilantia præstolare salutare Dei, & tanquam diaphanum ad solis lucidissimos radios suscipiendo, in hoc non habere spirituali, simplicissimoq; intuitu, diuini Numinis præstantiam superexalta: quoadusc; nouis Lucifer matutinus, ignem sapidissimum sui luminis in apice spiritus accendat: qui etiam toto statu Transformationis modi descendensis inextincte, & absque tardiosa diuinæ parentiaz interrupzione in altari spiritus ardebit, & diuini amoris flamas in Patrem luminum (à quo bona cuncta procedunt) exhala-

bit, ad maiorem semper in charitate dictionem promouendam. Vt autem constet quæ circa perfectionem arcani amoris considerentur, consequenter dicimus

*De spirituali profectu, duratione, & transitu, ad statum Transformacionis modi descendensis.*

#### ARTICVLVS SEXTVS.

**O** Altitudo diuinitiarum a sapientia Dei, quam inuestigabiles sunt viae eius. ac si diceret: ô pia anima, continuo maior radicatio in amore diuino per infatigabiles, & inobseruabiles multiplicationes singulorum aetuum, tam altas in sapientia, seu sapida scientia Dei, radices fixit; vt sicut nemo altitudinem sapientiaz Dei perfectè scrutari potest: ita etiam inuestigabiles sunt viæ eius, que ad spiritualem progressum perducunt. vt vel ideo admodum difficultè sit mensuram profectus spiritualis explicare; præ nimia eiusdem perfectione. hinc etiam si accuratius, & strictè de illo loquendum esset, breuiter responderi posset, ipsi mystico hanc perfectionem ignotam esse: verumtamen si sese ad ascensum Transformationis reflexerit, prout scilicet ab infinitis, per medias usq; ad supremas mentis regiones, ascendendo, saepius interea ad interruptiones fruitionis dilapsus fuit; in praesentiarum autem per insi-

gnem

*2 Rom. 14.*

gnem vitalem renouationem charitatis, Deum semper, ut primum principium suæ dilectionis eminenter esse recognoverit. Sole clarius etiam videbit, quanto modo quam alias vicinius, altius, & perfectius in Deo viuat, respiret, habitetque secundum spiritum. secundum inferiorem autem hominem, seu totum hominis compositum, quam conformiter ad statum innocentia viri res inferiores, sensibles, quin etiam cor, & caro eius, iudicio, imperioque rationis, & instinctui Spiritus sancti obedient; tentationes & mala huius vitæ potius dijudicent, quam licet mittendum exilium mundi (qui totus in maligno positus est) molestè ferant.

Ad hanc autem spiritus, & carnis perfectionem priusquam pia anima ordinato progressu pertingat, facile decem, vel duodecim anni, aut etiam quatuordecim labentur. in unico namque substantiali descensu, vel ascensi status Transformationis, tres sunt principales regiones: quatum etiam singulae in tres, pro ut scilicet singulæ incipiunt, proficiunt & absoluuntur, inter se subdividuntur; quo ita per mentis circumvolutiones, & innumerabiles pro Hic, & Nunc operationes ordinatae spiritus diuina quæque pulchra conspiciat, & ipsum bonum penitus digerendo sibi inescare valeat. & licet nil ita certi de duratione assignari possit, cum unus citius altero ob varia accidentia, officia, & diuinitus immis-

sas actiones, ab insimis per media ad summa pertingat: attamen quoties post insignem in charitate factum progressum, tam in ascendentem, quam descendente Transformationis modo, à Deo spiritum rectum innovatum in visceribus suis expertus fuerit: toties etiam ampliorem durationem inueniet; ita ut si descensus durasset ad decem annos, ascensus subsequens duraturus sit numerosioribus annis.

Transitus vero ad modum Transformationis descendenter admodum facilissimus est: ipso namque instanti, quo vacuitatem, quam in summo suo incurrerat, noua vitalitate repletam habuerit; Deum ut primum principium suæ dilectionis non tantum suscipiet, sed etiam ita possidebit, ut ipse mysticus non amplius sit primum agens, & operans; sed Deum semper habiturus sit ut præexistens vitale spiraculum sui in Deo esse, vivere, & operari; idque toto descensu Transformationis durante. Quod autem haec perfectior Transformationis modi ascendentis & descendenter vicissitudo, secundum spiritualem profectum, durationem, & transitum, (quamdiu in hac vita peregrinamur a Domino) semper continuat, & mysticum perfectius in charitate radicet, consequenter  
iam dicemus,

In

*In vicissitudine status Transformatio-  
nis, tam descendens quam ascendentis  
modi, sicut mysticus continuo magis ac  
magis in charitate radicatur: ita etiam  
distinctiori, ac accuratiori ordine in mi-  
nutissimis etiam operationibus, se-  
se conformiter habere  
addiscit.*

## ARTICVLVS. SEPTIMVS.

**A** pud Deum non est transmutatio,  
nec vicissitudinis obumbratio. ac  
si dicaret: ô pia anima, noli frustra ex-  
tolli vanis speciebus, & peregrinis co-  
gitationibus abduci; tanquam in huius  
vitæ rota, & instabilissima volubilita-  
te, interioritatis tuæ, (cum in summo  
adepto, etiam quasi in cœlo nidum  
tuum posuisse videberis) permanen-  
tiā sis obtentura. hoc enim ad so-  
lum Deum pertinet, apud quem, eo  
quod in nunc æterno viuat, non est  
transmutatio, nec vicissitudinis obum-  
bratio; ita vt aliter hodie, aliter cras  
in suis operationibus internis sese gere-  
re debeat. nos autem cum in tempo-  
rum momentis vitam nostram transi-  
gamus, & ad ornatum militantis Eccle-  
siæ in diuersos status, exercitia, & ope-  
rations à Deo disponamur; necessariò in dispositionibus, & operationi-  
bus nostris immutationes, & vicissi-  
tudines patimur: ita vt etiam inter San-  
ctos eius nemo sit immutabilis, dum

peregrinamur à Domino. sicut enim  
oritur sol, & occidit, & ad locum suum  
reuertitur, ibique nascens gyrat per me-  
ridiem, & flebitur ad Aquilonem; lu-  
strans vniuerla in circuitu, & in circu-  
los suos reuertitur. ita quoque post  
quam mysticus, per unum ascensum in-  
tegrè absolutum, per continuas nega-  
tiones, & transcendentias Deum om-  
nibus supereminenter præstare; innu-  
merabilibus operationibus, seu verbis  
mysticis satis dixerit, & insignem pro-  
gressum in charitate fecerit: tum deni-  
que per donum sapientiæ pia anima de-  
nouo renascens, per magis intimas, &  
à Deo vicinas circumvolutiones gyrat;  
& qualiter ipse superexcessuè sit omnia  
in omnibus; per descensum usque ad  
abyssi profundissima, & minimas patu-  
culas, seu vestigia sua sapientiæ, proflus  
amoris, & Deo dignis familiaritatibus,  
experitur.

Iam verò cum major radicatio in  
charitate non ad mensuram à Deo de-  
tur, possitque quoad viuimus intensior,  
& perfectior in spiritu augeri: hinc vel  
maxime ad eiusmodi radicationis di-  
uersos actus, intensiones, & quodam-  
modo digestiones attendendum erit;  
quo ita ad realem cooperationem eti-  
am celerius, verius, purius sese accom-  
modare possit. quin imò tota huma-  
næ industriæ cooperatio in eo sita est,  
vt ad momentaneas dispositiones pra-  
cticus sese accommodet; vtque tam in  
ascendente modo, eiusque infinitis

pro-

■ Iacob. 1.

propemodum alterationibus sese ordinare submittat, atque etiam in minutissimis quibusque operationibus sese conformiter habere addiscat. Dono namque sapientiae incessanter efficitur, ut in operationum internarum ordinata vicissitudine iudicium educat quasi meridiem, & tanquam discretor spirituum plenè, atque perfectè, & prout proprium statum, operationes, ac dispositiones suas discernat, ordinet, foueat, & ad optimū actus sui in Nunc instanti perducat; usque ad amoris, super omnem intellectum, excessum in quantum quidem doni sapientiae usus, & vitalis afficiencia permiserit.

Cæterum cum non videatur solido fundamento niti, altiores modos, quam per donum sapientiae ad maiorem radicationem in charitate, & perfectè Deo adhærendi assignare; (illis tamen exceptis qui præstantiori afflato Spiritus sancti ad eminentiorem sanctorum & Viatorum statum, eo diuiniores perceptiones mentales eleuantur,) hinc etiam ulteriori praxi deducendæ subsistimus. cum enim status Transformationis modi tam ascendentis, quam descendens per donum sapientiae ordinata vicissitudine sufficiat in hac vita; non tantum ad maiorem radicationem in charitate, ac perfectiores mysticas, Deoque semper viciniores operaciones; sed etiam ex abundantia superiorum virium in inferiores influxu; longè securius videtur, in ipsa reali fruitione,

& cum Deo vitali suprema vnione, illa experiri, quæ nec oculus vidit, nec auris audiuit, nec in cor hominis ascenderunt, quam exoticis loquutionibus à sanctorum Patrum, ac non tantum in sacra Doctrina versatorum, sed simul etiam in arcaniori mystica exercitacione præstantium virorum scriptis deuiare. præsertim cù spiritualis homo deinceps per se ( licet alioquin illiteratus sit) facile discernere, & longè purius quam scribi possit, omnia, etiam profunda Dei scrutari, & amoris præstantia possidere valeat.

His non obstantibus, si quispiam omnino afferendum censeat, aut quod magis ad rem fecerit; euidenter sanctorum Patrum, & præstantiorum mysticorum scriptis non aduersando demonstrauerit; supra dona intellectus, & sapientie, dari in mystico amore perfectissimo modos eminentiores: talis simul non obliuiscatur, nos similes etiam præstantiores modos supra b admissæ; videlicet per species infusas, præuias voluntatis commotiones, aut similes: sed tantum in actu transeunte, non autem immanente habitualiter, pro ut hic sit per donum sapientiae. ita ut ordinariè in practico exercitio Transformationis, in instanti supernaturalis amoris fruitionem incipere, perficere, ac continuare valeat, intensius, vel remissius licet, pro ut ordo perfectus spiritualis permiserit. verum si istiusmodi quispiam institerit, etiam frequenter in

Mm acti-

a inf. decis. 9. b & paraph. 9. & infra decis. 5. & 6.

aetibus transeuntibus, per species infusas, voluntatis præuias commotiones, aut similibus præstantioribus modis nonnullos in Deo altius sublimari: is pariter cogitet, nos tales ad Deo vicinorem statum; scilicet sanctorum Viatorum referre: in statu Transformationis autem de illis sublimioribus modis agere, qui habitualiter, & ordinariè per donum supernaturalis sapientiæ; extraordinariè autem per species infusas, præuias voluntatis commotiones, aut sublimioribus quibusdam modis,

mysticum in consortio diuinæ naturæ, & maiori charitate continuò profundiùs radicant. iam verò cum de praxi modi supernaturaliter operandi sufficienter dictum sit; ad ea quæ status sanctorum & Viatorum sunt, lectorem aliora petentem, remittimus: sicut etiam ad omnia alia, quæ in Theoria huius secundæ Partis continentur; quam hic consequenter, (præsertim ad satisfactionem mystico-scholasticorum, & diuino animo præstantium) apponimus.

*a infra Decis. 9.*

## SECUNDÆ PARTIS P R A X I S F I N I S.



SE.